



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: **UP-1/21-3-40-577-6/21**
Datum: **08.03.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Arapovac putevi“ d.o.o. Čelić za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona kapaciteta 60 m³/sat, sa pratećim objektima i sadržajima izgrađenih na zemljištu označenom kao k.č. broj 786 K.O. Ratkovići, općina Čelić, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu „Arapovac putevi“ d.o.o. Čelić daje se vodna dozvola za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona kapaciteta 60 m³/sat, sa pratećim objektima i sadržajima izgrađenih na zemljištu označenom kao k.č. broj 786 K.O. Ratkovići, općina Čelić.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik poslovnog objekta za sve vrijeme trajanja ove vodne dozvole obezbjeđuje da se oborinske onečišćene voda sa radno-manipulativnih površina nesmetano skupljaju putem kanala sa slivnim rešetkama, adekvatno tretiraju te odvođe preko monitoring okna do recipijenta.
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
 - 3.6. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

- 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.8. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.9. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.10. Investitor je u obavezi da u toku važenja ovog rješenja o vodnoj dozvoli, u postupku ishodovanja upotrebne dozvole, izvrši tehnički prijem izgrađenih objekata i sadržaja i Zapisnik o istom dostavi u Agenciju.
- 3.11. Investitor je u obavezi da izradi tj. inovira projektnu dokumentaciju Glavni projekat snabdijevanja vodom i dispozicija otpadnih voda za potrebe postrojenja za proizvodnju betona, urađen od strane „Atrius“ d.o.o. Živinice, mart 2021. godine u skladu sa činjeničnim stanjem na terenu, rezultatima monitoringa otpadnih voda prije ispusta u recipijent-rijeku Šibošnicu/ obodni kanal regionalnog puta i uslova pod kojima je će biti izdata upotrebna dozvola za izgrađeni objekat, a nakon obavljenog tehničkog prijema objekta.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
6. U periodu važenja ove dozvole, pravno lice je dužno provoditi sve mjere i aktivnosti propisane istom
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
9. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Arapovac putevi“ d.o.o. Čelić obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona kapaciteta 60 m³/sat, izgrađenog na zemljištu označenom kao k.č. broj 786 K.O. Ratkovići, općina Čelić.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- A.Opća dokumentacija
- Rješenje o izmjenama podataka, broj: 032-0-Reg-14-000751 od 05.06.2014. godine izdato od strane Općinskog suda u Tuzli – ovjerena kopija,
- Uvjerjenje o poreznoj registraciji od 31.10.2011. godine izdato od strane Kantonalnog poreznog ureda u Tuzli – ovjerena kopija,
- Rješenje o odobrenju za građenje, broj:05-19-1786/21 od 02.07.2021. godine izdato od strane Službe za urbanizam, stambeno-komunalne, imovinsko-pravne i geodetske poslove općine Čelić - ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj:04/1-UPP/1-8567/07 od 01.08.2007. godine godine izdato od strane Uprave za indirektno-neizravno oporezivanje Banja Luka – kopija,

- Rješenje o okolinskoj dozvoli, broj:12/1-19-042891/20 od 26.01.2021. godine izdato od strane Ministarstva prostornog uređenja i zaštite okolice Tuzlanskog kantona – kopija,
- Rješenje o urbanističkoj saglasnosti, broj:05-19-323/21 od 09.02.2021. godine izdato od strane Službe za urbanizam, stambeno-komunalne, imovinsko pravne i geodetske poslove općine Čelić - ovjerena kopija,
- Rješenje o vodnoj saglasnosti, broj:UP-I/25-2-40-142-2/21 od 22.04.2021. godine izdato od strane Agencije za vodno područje rijeke Save, Sarajevo – kopija,
- Računi, broj:000016/0000046/1425 od 30.11.2021. godine, 000016/0000046/97 od 30.01.2022. godine, 000016/0000046/1583 od 31.12.2021. godine, 000016/0000046/11890 od 10.01.2022. godine, 000016/0000046/41 od 08.02.2022. godine izdati od strane JKP „Čistoća“ d.o.o. Čelić – kopija,
- Ponuda broj 629/2021 od 24.12.2021. godine data od strane Roto BH d.o.o. Sarajevo – kopija,
- Rješenje o vodnoj dozvoli, broj:04/2-11-21-38308/21 od 22.02.2022. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
- Dokaz o uplaćenju federalnoj upravnoj pristojbi na zahtjev

B Tehnička dokumentacija

- Glavni projekat snabdijevanja vodom i dispozicija otpadnih voda za potrebe postrojenja za proizvodnju betona, urađen od strane „Atrius“ d.o.o. Živinice, mart 2021. godine
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20) izvršen je uviđaj na prostoru proizvodnog pogona betonare sa pratećim sadržajima „Arapovac putevi“ d.o.o. Čelić i tom prilikom sačinjen Zapisnik o izvršenom uviđaju broj: UP-1/21-3-40-577-5/21 od 04.03.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Lokacija na kojoj je izgrađen proizvodni objekat betonske baze kapaciteta 60 m³/sat svježe betonske mase je u sklopu radnog kruga preduzeća „ARAPOVAC PUTEVI“ d.o.o. Čelić, u mjestu Ratkovići, Općina Čelić. Izgrađena je na zemljištu označenom kao k.č. 786, K.O. Ratkovići, sa nazivom „Palučak“ udio 1/1 „Arapovac putevi“ d.o.o. Čelić.
- Osnovna namjena ovog objekta je proizvodnja betona, koji se u svježem stanju u namjenskim transportnim sredstvima (mikserima) isporučuje kupcima.
- Izgrađeni su sljedeći sadržaji: silos za deponovanje cementa, zapremine V=75 t, četiri boksa za deponovanje odgovarajućih frakcija agregata, vaga za doziranje aditiva, vage za doziranje cementa i agregata, kompresor, pužni transporteri za cement i agregat, vaga za beton, oprema za pripremu mješavine za spravljanje svježe betonske mase, kontejner u kome je smještena elektrooprema za upravljanje betonarom. Postrojenje je u cjelosti automatsko.
- Skladištenje aditiva se vrši u nadzemnim plastičnom rezervoaru.
- Na prostoru poslovnog objekta ne vrši se skladištenje nafte i nafnih derivata, ne vrši se servisiranje mehanizacije.
- Snabdijevanje vodom vrši se priključkom na gradski vodovodni sistem za koju investitor ima saglasnost izdatu od strane JKP „Čistoća“ Čelić.
- Tehnološke otpadne vode koje nastaju pri pranju vozila-miksera, pranju dijelova procesne opreme, vode od pranja platoa za utovar betona i dr. površina prikupljaju se vanjskom kanalizacijom i odvođe do objekta za prikupljanje otpadnih voda- dvokomornog taložnika zapremine cca V=45,00 m³ (9,0x2,0x2,5 m). Nakon taloženja izbistrena voda iz druge komore se odvodi do betonskog taložnika iz kojeg se preko preliva voda odvodi do obodnog kanala regionalnog puta.
- Investitor je saglasan da će u toku važenja ovog rješenja o vodnoj dozvoli izvršiti izmjenu/doradu projektne dokumentacije u ovisnosti od rezultata minitoringa otpadnih voda, činjeničnog stanja na terenu i zahtjeva iz zapisnika o tehničkom prijemu objekta u postupku ishodbivanja upotrebne dozvole.
- Prilikom vršenja uviđaja na terenu i pravljenja zapisnika o istom, a obzirom da nisu bili prisutni glavni inženjeri, napravljena je greška i uneseni su podaci o ugrađenom separatoru ulja i masti u skladu sa projektnom dokumentacijom, što je naknadno konstatovano.

- Lokacija na kojoj je izgrađena betonara kapaciteta 60 m³/sat sa pratećim objektima i sadržajima, na osnovu podataka iz maja 2014. godine kada su velike vode bile većeg povratnog perioda od Q_{1/100}, zaključeno je da lokacija odnosno parcela sa predmetnim objektom betonare ne dolazi pod uticaj velikih voda rijeke Šibošnice ranga javljanja 1/100.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije. Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva „Arapovac putevi“ d.o.o. Čelić ispunio minimum uslova za izdavanje vodne dozvole za ispuštanje otpadnih voda i aktivnosti koje mogu imati specifične uticaje na vode sa lokacije proizvodnog kompleksa objekata betonare, sa pratećim sadržajima, izgrađenog na zemljištu označenom kao k.č. broj 786 K.O. Ratkovići, općina Čelić te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B obrazloženja rješenja

Po ovlaštenju

Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „Arapovac putevi“ d.o.o. Čelić
- Ratkovići, Izeta Ahmetovića 62, 75246 Čelić, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava